

# GOCCIUS

In onori de **SANTU FRANCISCU** Liagau

(chi si venerat in Barumini su 17 de Cabudanni)

No de artifiziu figurau

Ma de Deus est totu fatu

FRANCISCU VERU RITRATU

DE GESUS CRUCIFISSAU

- 1) In una gruta Gesus  
Nascit su Redentori  
E Tui s'imitatori  
Chi sighis is passus sus  
Is primus suspirus tus  
In una stadda as donau  
RIT. FRANCISCU VERU...
- 2) Ripara sa domu mia  
Chi amalezat ruina  
Est una boxi divina  
De una gruxi bessia  
Chi po tres bortas sighia  
T'at totu infervorau  
RIT. FRANCISCU VERU...
- 3) Ses patriarca ses profeta  
Ses virgini e confessori  
Serafinu ses de amori  
E rigidu anacoreta  
Ses de cudda parti eleta  
Unu membru signalau  
RIT. FRANCISCU VERU...
- 4) In sa Santa religioni  
A Issu chi eis serbiu  
Seis in morti nodiu  
Alcantzendi onni favori  
Perdonu cun limpiori  
De dogna culpa e peccau  
RIT. FRANCISCU VERU...
- 5) De su soliu de sa gloria  
Aundi setzeis trionfanti  
A sa cresia trionfanti  
Ottenei pronta vittoria  
Cunservai grata memoria  
De chini t'at invocau  
RIT. FRANCISCU VERU...